

gnitis aliorum legibus, ritibus, statutis, suæ Reip. statui ritè accommodavit.

Phoenix ille Philosophorum requirit in Magistratu longam peregrinationem, & multarum rerum circuitum. Nec non Poëta.

*Longinqua immensa lustranda est Græcia Ponto,
Ut tibi succedat perfecta scientia rerum.*

Et quid Illustres Illustris Austriacæ domus Proceres tot tantasq; & omni laude superiores suscepissent peregrinationes? (quibus etiam adhuc summopere student) quid Italiam adiissent? Galliam perlustrassent? Hispaniam aliasq; regiones peragrassent? nisi ipsis quasi innatum, Prudentiã alibi haustam Reiq; suæ publicæ prudentèr adpositeque accommodatam fore vsui non exiguo, ornamento summo, sibi que ipsis immortalis encomio. Ad Oeconomiam vero quid utilitatis redundat? Discimus certè, vt alia multa, quomodo cum fruge res instituenta familiaris, vt superflui sumptus rescandi, familia tractanda, liberi educandi. Opes si quis quærat, & peregrinatio opem adfert. Poëtam audi.

*Impiger extremos currit mercator ad Indos,
Per mare, pauperiem fugiens, per saxa per ignes.*

Quis à Lycurgo non disceret Educationem? à Curio frugalitatem? à Magno Hetruriæ Duce rei familiaris contractionem? Quantum divitiarum in Indicis delituisse terris, nisi peregrinatione navali Columbus evolasset, omnia non minùs laboriosè quàm artificiosè, pervestigasset,